

**FEDERACIJA BOSNE I HERCEGOVINE
ZENIČKO - DOBOJSKI KANTON
GRAD ZENICA
GRADONAČELNIK**

Zenica, 08.07.2020. godine

Na osnovu člana 8. Zakona o ministarskim, vladinim i drugim imenovanjima („Službene novine Federacije Bosne i Hercegovine“, broj: 12/03, 34/03 i 65/13), a u vezi sa članom 18. i 19. Statuta Javnog preduzeća/poduzeća Regionalni vodovod "Plava voda" d.o.o. Travnik ("Službene novine Općine Zenica“, broj: 4/2009), Gradonačelnik Grada Zenica, objavljuje

**OGLAS
za izbor jednog člana Nadzornog odbora
JP Regionalni vodovod „Plava voda“ d.o.o. Travnik**

I - Objavljuje se Oglas za izbor i imenovanje upražnjene pozicije jednog člana Nadzornog odbora Regionalni vodovod „Plava voda“ d.o.o. Travnik.

II - Opis pozicije

Nadzorni odbor ima sljedeće nadležnosti:

- nadzire rad uprave,
- nadzire poslovanje javnog preduzeća/poduzeća,
- utvrđuje prijedlog cjenovnika komunalnih usluga,
- priprema poslovnike o radu Nadzornog odbora i uprave koji moraju sadržavati odredbe o pravičnom postupku smjenjivanja za odgovorna lica i odredbe o trajnom isključenju sa posla iz javnog preduzeća na period od najmaje dvije godine za lica koja su smijenjena i predlaže ih Skupštini,
- vrši opoziv članova Uprave u skladu sa procedurom utvrđenom Poslovníkom o radu i Pravilnikom o unutrašnjoj organizaciji,
- priprema Etički kodeks i predlaže ga Skupštini i neće delegirati ovu dužnost, a svako kršenje pravila Etičkog kodeksa predstavlja osnov za opoziv člana Nadzornog odbora,
- vrši izbor kandidata Odbora za reviziju i podnosi prijedlog za njegovo imenovanje Skupštini,-
- donosi Pravilnik o javnim nabavkama i nadzire njegovo provođenje,
- daje mišljenje Skupštini o prijedlogu uprave za raspodjelu profita,
- izradu vjerodostojnih računovodstvenih evidencija i finansijski iskaz, i ovu dužnost ne može delegirati,
- predlaže način pokrića gubitka,
- donosi Pravilnik o unutrašnjoj organizaciji javnog poduzeća,
- donosi Pravilnik o mjerama zaštite radne i životne sredine,
- imenuje i razrješava članove Uprave u skladu sa postupcima utvrđenim u Pravilniku o unutrašnjoj organizaciji i važećim propisima,
- daje ovlaštenja za aktivnosti koje su ograničene propisima Zakona o javnim poduzećima,
- daje upute direktoru za provođenje uviđaja u vezi sa uočenim nepravilnostima,
- usvaja izvještaj uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem Revizije,
- podnosi Skupštini godišnji izvještaj o poslovanju javnog preduzeća, koji obavezno uključuje izvještaj o radu Nadzornog odbora i Odbora za reviziju, i plan poslovanja za narednu poslovnu godinu u okviru postojećeg trogodišnjeg plana i revidiranog plana,
- odobrava kupovinu, prodaju, zamjenu, uzimanje u lizing i druge transakcije imovinom u obimu od 50.000,00 KM odnosno do 33% (tridesettri odsto) knjigovodstvene vrijednosti ukupne imovine javnog poduzeća,
- saziva Skupštinu javnog poduzeća,

- predlaže Skupštini povećanje osnovnog kapitala javnog preduzeća uplatom, unošenjem novih uloga, odnosno smanjenje osnovnog kapitala javnog preduzeća, ali ne ispod iznosa utvrđenog Zakonom,
- nadzire Upravu u provođenju preporuka datih od strane Odbora za reviziju te vanjskog revizora sa datim rokovima,
- vrši nadzor nad poslovanjem i zakonitošću poslovanja javnog poduzeća,
- vrši redovno izvještavanje Skupštine o svom radu,
- davanje instrukcija organima preduzeća radi otklanjanja nepravilnosti u radu,
- prisustvovanje sjednicama Skupštine javnog preduzeća i učešće u raspravi bez prava glasa,
- pregled poslovnih knjiga i dokumentacije javnog poduzeća,
- drugi poslovi predviđeni Zakonom.

Mandat članova Nadzornog odbora traje četiri godine.

III - Kandidati za imenovanje na poziciju člana Nadzornog odbora moraju ispunjavati:

- opće i
- posebne uslove.

a) Opći uslovi:

1. da je državljanin BiH,
2. da je stariji od 18 godina,
3. da je zdravstveno sposoban,
4. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini (bilo na nivou države ili entiteta) u periodu od 3 godine prije dana objavljivanja upražnjene pozicije,
5. da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava Bosne i Hercegovine),
6. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj: 12/03, 34/03 i 65/13),
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije član Upravnog ili Nadzornog odbora drugog društva ili institucije, ni Odbora za reviziju,
9. da nema privatni / finansijski interes u Nadzornom odboru u koji se kandiduje,
10. da nije lice kojem je presudom suda zabranjeno obavljanje aktivnosti u nadležnosti Nadzornog odbora,
11. da nije lice koje je osuđivano za krivično djelo i za prekršaj nespojiv sa dužnošću u Nadzornom odboru, pet godina od dana pravomoćnosti presude, isključujući vrijeme zatvorske kazne,
12. da nije kažnjavao.

b) Posebni uslovi:

1. da ima VSS - VII stepen, odnosno završeno visoko obrazovanje prvog, drugog ili trećeg ciklusa Bolonjskog sistema studiranja,
2. da ima najmanje 3 (tri) godine radnog iskustva u struci nakon sticanja visoke stručne spreme,
3. da posjeduju sposobnost nepristrasnog donošenja odluka, komunikacijske i organizacijske sposobnosti za savjesno, odgovorno i odlučno obavljanje pozicije,
4. da posjeduje pozitivne rezultate rada ostvarene tokom poslovne karijere.

IV - Potrebni dokumenti:

Kao dokaz o ispunjavanju uslova Oglasa kandidati su, **uz potpisanu** prijavu koja treba da sadrži kraću biografiju, adresu i kontakt telefon, dužni dostaviti i sljedeće dokumente (original ili ovjerene kopije):

1. diplomu o završenom obrazovanju,
2. dokaz o traženom radnom iskustvu,
3. uvjerenje o državljanstvu (ne starije od 6 mjeseci),
4. ovjerene izjave kandidata o činjenicama nabrojanim u tačkama od 4 do 10 Općih uslova Oglasa,
5. uvjerenje kandidata da nije osuđivan za krivično djelo i za prekršaj nespojiv sa dužnošću u Nadzornom odboru, pet godina od dana pravomoćnosti presude, isključujući vrijeme zatvorske kazne (2 uvjerenja ne starija od 3 mjeseca) i
6. uvjerenje kandidata da nije kažnjavan (uvjerenje ne starije od 3 mjeseca).

Oglas za podnošenje prijava ostaje otvoren 15 dana od dana objavljivanja. Rok za podnošenje prijava računa se prema datumu posljednje objave Oglasa.

Oglas će biti objavljen u „Službenim novinama Federacije BiH, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave, kao i prijave kandidata koji ne ispunjavaju opće i posebne uslove, neće biti uzete u razmatranje.

Kandidati koji ispunjavaju uslove Oglasa biće obaviješteni o mjestu i vremenu obavljanja intervjua.

Prijavu sa potrebnom dokumentacijom dostaviti lično na protokol Grada Zenica ili preporučeno poštom na sljedeću adresu:

**GRAD ZENICA
Služba kabineta Gradonačelnika
- Komisija za izbor -
Trg Bosne i Hercegovine broj 6
72 000 Zenica**

sa naznakom za "Prijava na Oglas za izbor i imenovanje jednog člana Nadzornog odbora JP Regionalni vodovod "Plava voda" d.o.o. Travnik - NE OTVARATI "